

Isticmaal liiskan hubinta si aad ugu diyaargarowdo inaad codsato dheefaha.

Shaqaalaha iyo dadka iskood u shaqeysta ee doortay caymiska waxay sameyn karaan iney:

- Furo koonto [Frances Online](#)
- Ka codsadaan dheefaha onlayn iyagoo u maraayo akoonkooda Frances Online
- Ku codso dheefaha boosto ahaan ama taleefanka:
 - Ka soo dejiso oona daabaco codsiga [websaydka Fasaxa Mushaharka leh](#)
 - Naga soo wac lambarka 833-854-0166 (lambarka bilaashka lagu soo wici karo)

Frances Online waa habka **ugu dhakhsaha iyo fudeedka badan** ee lagu codsan karo Fasaxa Mushaharka leh. Haddii aadan geli karin Frances Online, noo soo dir codsi warqad ah ama nasoo wac si aad telefoon ugu sameyso codsiga. Haddii aad ku codsato codsi warqad ah ama telefoon ahaan, waxa laga yaabaa inay kugu qaadata wakhti dheer inaad hesho jawaab.

Waxaa laga yaabaa inaad haysato qof kale oo kuu codsada dheefaha Fasaxa Mushaharka leh isagoo adiga ku matalaya isagoo buuxinaya [Foomka Loo Qoondeeyay Wakiilka](#). Fadlan eeg [Buug-hageedka Shaqaalaha](#) wixii macluumaad dheeraad ah.

Haddii loo-shaqeeyahaagu leeyahay qorshe u dhigma halkii aad ka qaybqaadan lahayd Fasaxa Mushaharka leh ee Oregon, waa inaad si gaar ah u codsato qorshahaas u dhigma. Weydii cidda aad u shaqayso tilmaamo ku saabsan sida taas loo sameeyo.

U diyaar garow

Ka hor intaadan codsan:

- ☐ U sheeg loo-shaqeeyahaaga - waxaad u baahan tahay inaad u sheegto loo-shaqeeyahaaga ugu yaraan 30 maalmood ka hor taariikhda bilawga fasaxaaga. Marka lagu jiro xaalad degdeg ah, waxaad siin kartaa ogeysiis af ahaan ah 24-saac ka dibna waxaad raacsiin doontaa ogeysiis qoran 3 maalmood gudahood. Haddii aadan bixin karin ogeysiis, qof kale ayaa kuu sameyn kara.
Ogoow: Haddii aadan muujin karin inaad u siisay shaqo-bixiyahaaga ogeysiis ku saabsan fasaxaaga, Fasaxa Mushaharka lehi waxa laga yaabaa inuu hoos u dhigo lacagta dheefaha buuxda ee toddobaadlaha ah ee ugu horreysa ilaa 25%.
- ☐ Isku-dubarid macluumaadka aad u baahan doonto - faahfaahinta tallaabo kasta ayaa lagu daray liiskan hubinta.
- ☐ Ka sameyso koontada Sheegtaha Frances Online - Frances Online waa habka ugu dhaqsaha badan ee lagu codsado dheefaha. Haddii aad iskaa u shaqeysid, koontada

sheegtaha waa akoon labaad. La mid ma'aha koontada loo shaqeeyaha ee aad u samaysatay si aad u codsato caymis.

Tallaabada 1: Furo koonto Frances Online

Waxa aad u baahan tahay si aad koonto u furato:

- ☐ Magacaaga buuxa ee sharciga ah iyo taariikhda dhalashada.
- ☐ Lambarkaada Soshal Sekuritiga (SSN) ama Lambarkaada Aqoonsiga Gaarka ah ee Canshuur Bixiyaha (ITN).
- ☐ Xogta lagaala xiriiraayo, uuna ku jiro lambarka taleefankaaga, ciwaanka iimeelka, ciwaanka guriga, iyo ciwaankaada boostada, haddii uu ka duwan yahay cinwaanka gurigaaga.
- ☐ Leysankaaga gobolka ama kaarka aqoonsiga gobolka (haddii aad mid leedahay).
- ☐ Ciwaankaaga iimaylka.
- ☐ Haddii aad hore u xaraysatay sheegashada Fasaxa Mushaharka leh ama Caymiska Shaqala'aanta, waxa laga yaabaa inaad u baahato in aan kuu soo dirno warqad si aad akoonkaaga ugu samaysato si ammaan ah.

Tallaabada 2: Codso dheefaha

Waxaad isla markiiba codsan kartaa ka dib markaad koonto ka samaysato Frances Online. Gal Frances Online si aad u codsato.

Waxa aad u baahan tahay si aad u codsato:

- ☐ Magacaaga isticmaale iyo eraygaaga sirta ah haddii aad ka dalbanayso adoo u maraaya Frances Online.
- ☐ Lambarkaada Soshal Sekuritiga (SSN) ama Lambarkaada Aqoonsiga Gaarka ah ee Canshuur Bixiyaha (ITN).
- ☐ Nooca fasaxa aad codsanayso.
- ☐ Jadwalka fasaxa ee aad codsatay (xiriir ama goos-goos ah) iyo bilawga iyo dhammaadka taariikhda la filayo ee fasaxaaga mushaharka leh.
 - Fasax xiriir ah waxaa laga wadaa in aad fasax qaadanayso laga bilaabo taariikhda biloowga ilaa taariikhda dhammaadka fasaxaaga, adiga oo aan marna ka shaqayn wax shaqo ah inta lagu jiro mudadaas.
 - Fasax goos-goos ah waxaa laga wadaa inaad qaadatao maalmo ama asbuucyo fasax ah inta u dhexaysa taariikhda biloowga iyo taariikhda dhammaadka fasaxaaga, laakiin sidoo kale waad shaqaysaa inta lagu jiro fasaxaaga. Waa in aad qaadatid fasax ku meel gaar ah haddii aad fasax u qaadanayso laba ama in ka badan oo dhacdooyin nololeed isku mar ah.

- ☐ Macluumaadkaagii shaqo ee hadda iyo 18-kii bilood ee tagay oo ay ka mid yihiin:
 - Magaca ganacsiga, ciwaanka, iyo lambarka taleefanka ee loo shaqeeyaha
 - Lambarka aqoonsiga ganacsiga ee loo-shaqeeyahaaga (business identification number, BIN) ama Lambarka Aqoonsiga Loo-shaqeeyaha ee Federaalka (Federal Employer Identification Number, FEIN)
 - Jeegadaada shaqada (si uu kaaga caawiyo helitaanka shaqadaada)
 - Taariikhda shaqaaleyntaada
 - Inta jeer ayuu mushahar ku siiyaa shaqo-bixiyahaaga
 - Imissa ayuu shaqo-bixiyahaagu ku siiyaa
 - Tirada maalmaha ee toddobaad kasta ee aad sida caadiga ah ugu shaqeyso loo-shaqeeye kasta
 - Taariikhda aad u sheegtay shaqo-bixiyahaaga wax ku saabsan fasaxaaga
- ☐ Macluumaad ku saabsan dheefaha wakhtiga lumay ee Magdhawga Shaqaalaha ama dheefaha Barnaamijka Caymiska Shaqala'aanta ee laga yaabo inaad hesho.
- ☐ Xog ku saabsan qorshe kasta oo u dhigma kan oo aad heysato iyo fasax kasta oo mushaar lagu baxsho oo aad caymiskan ku qaadatay.
- ☐ Habka lacag bixinta dheefta ee aad door bidayso. Waxaad kala dooran kartaa kaarka kaashka lacagta lagu shubto iyo lacag shubista tooska ah. Haddii aad doorato lacag shubista tooska ah, waxaad u baahan doontaa koontadaada bangiga iyo sagaalka nambar cinwaaneed ee bankigaada.
- ☐ Dookhaaga ku aadan jarista canshuurta.

Tallaabada 3: Xaqiijinta Aqoonsiga

Kadib markaan helno codsigaga, waxaan xaqiijin doonaa aqoonsigaga. Mararka qaarkood, waxa laga yaabaa inaan u baahanahay macluumaad dheeraad ah si aan u xaqiijino aqoonsigaaga.

Waxa laga yaabaa in aanu kuugu soo dirno warqad boostada Maraykanka, xataa haddii aad dooratay in aad hesho digniinaha iimaylka marka aad samaysanaysay akoonkaaga. Fadlan la soco boostadaada Maraykanka oo diyaar u noqo inaad ka jawaabto su'aalaha daba-galka ah ee laga yaabo inaan qabno.

Tallaabada 4: Xaqiiji dhacdo nololeedkaaga

Waxa aad u baahan tahay si aad u xaqiijiso dhacdadaada nolosha

Waxaa ka jiri doonta xog-ururinta gudaha akoonkaaga Frances online kaasoo ku weydiin doona macluumaad dheeraad ah oo ku saabsan sheegashadaada. Waxaad u baahan doontaa inaad gasho akoonkaaga Frances Online oo aad buuxiso su'aalaha. Waxaan sidoo kale ku weydiin doonaa inaad soo dirto dukumeentiyadaada si loo xaqiijiyo dhacdo nololeedkaaga u-qalanta.

Sida ugu fudud ee tan loo sameeyo waa inaad fariin ugu soo dirtaa gudaha kaaga ah Frances Online ee akoonka Dacwoodaha/Sheegtaha. Haddii aadan lahayn akoon Frances Online, waxaad ku soo diri doontaa dukumeentiyada xaqiijinta codsigaaga warqad ahaanta ah. Waxa kale oo laga yaabaa inaan ku soo wacno si aan u helno macluumaadka loo baahan yahay.

Dukumeentiyada xaqiijinta ee aanu ku waydiisanayno waxay ku xidhan yihiin nooca fasaxa aad u baahan tahay. **Waxaad u baahan tahay inaad hal dukumeenti naga siiso liiska hoos ku qoran.**

Haddii dukumeentigani aanu ku jirin dhammaan macluumaadka loo baahan yahay si loo xaqiijiyo fasaxaaga, waxa laga yaabaa inaan ku waydiino macluumaad dheeraad ah.

Dukumeentigaaga xaqiijinta fasaxa badqabka waa inuu tusiyaa adiga, ama ubadkaaga u qalma, inaad tihii kuwa ka badbaaday rabshad qoys, dhibaatayn, faraxumayn galmo, dambiyo eexeed, ama daba gal.

Si aad ugu qalabnto, ilmahaagu waa inuu ka yar yahay 18 sano si aad u hesho caymiska fasaxa badqabka. Haddii uu ka wayn yahay 18 sano, waa inuu yahay qof wayn oo kugu tiirsan oo qaba naafada jirka ama dhimirka oo xadideysa awoodiisa nolosha madaxa banaan.

Dukumeentigaagu waa inuu muujiyaa inaad samaynayso mid ka mid ah waxyaabaha soo socda:

- Raadsashada caawimaad sharci ama caawinaadda sharci fulinta si loo xaqiijiyo caafimaadkaaga ama kan ilmahaaga iyo badbaadadiina
 - Tan waxa ku jira u diyaar garowga iyo ka qayb qaadashada nidaamka ilaalinta, dacwadaha madaniga, ama kuwa fal dembiyeedyada ee la xidhiidha dhacdada
- U raadsashada daawayn caafimaad naftaada ama ilmahaaga u qalma si aad uga soo kabataan dhaawacyada ay sababtay dhacdada
- Uga helitaanka la-talinta adiga ama ubadkaaga u qalma xirfadle caafimaadka dhimirka oo shati leh sabab la xidhiidha dhacdada
- U helitaanka adeegyada bixiyaha adeegga dhibbanaha naftaada ama ta ilmahaaga u qalma
- Dib u dejinta ama qaadida tillaabooyin lagu amni xaqiijinayo gurigaaga jira si loo xaqiijiyo caafimaadka iyo badbaadada naftaada ama ta ilmahaaga u qalma

Bixi xaqiijinta adigoo adeegsanaya **mid ka mid ah dukumeentiyada soo socda:**

- [Foomka Xaqiijinta ee Fasaxa Badqabka ee Mushaharka leh](#)
- Nuqul ka mid ah wakaalada federaalka ama gobolka, deegaanka, ama warbixinta booliiska Qabaa'ileed
- Cabashada rasmiga ah ee ku socota iskuduwaha Title IX ee dugsiga

- Koobi amar ilaalin ah ama caddayn kale oo ah in adiga, ama ubadkaaga, aad ka soo muuqatay ama aad isu diyaarinaysay inaad ka soo muuqataan dacwad madaniyeed, dembiyeed ama mid maamuleed sabab la xidhiidha dhacdada
 - Dukumeentigani waxa uu ka iman karaa:
 - Maxkamad federaalka, mida gobol, deegaanka, ama mida Qabaa'ileedka
 - Wakaalad maamuleed
 - Iskuduwaha Ciwaanka IX ee Dugsiga
 - Qareen
- Dukumeentiyada kale ee ka socda qareenka, sarkaalka fulinta sharciga, bixiyaha daryeelka caafimaadka, xirfadle ama lataliye caafimaadka dhimirka oo shatiyaysan, xubin wadaad ah, Shaqaale ka tirsan Waaxda Caddaaladda oo bixiya adeegyada dhibbanaha, ama bixiyaha adeegyada dhibbanaha

Dukumeentigaaga waa in uu ahaado mid ku taariikhaysan wax aan ka badnayn 12 bilood ka hor taariikhda aad u codsatay fasaxa. Haddii dukumeentigaagu uu ku taariikhaysan yahay wakhti ka horeeya 12 bilood ka hor taariikhda aad codsatay fasaxa, waa inaad keentaa bayaan qoran oo sharaxaya baahidaada fasaxa ee hadda.

Haddii aadan bixin karin mid ka mid ah foomamka dukumeentiga ah ee kor ku xusan sababo la xiriira adeegyo la'aan ama walaac xagga badbaadada naftaada ama ta ubadkaaga u qalma ah, waad na soo wici kartaa oo aad codsan kartaa nuqul ka mid ah Foomka Ka Marag-kaca Naftaada ee Fasaxa Mushaharka leh. Gudaha foomkan waxa aad ku sharaxi kartaa, isagoo bayaan kooban ah, sababta aad ugu baahan tahay fasax badqab si aad wakhti uga qaadata shaqada. Kadib markaad codsato dheefaha, u eeg si aalaaba ah koontadaada Frances Online si aad dhaqso uga jawaabto macluumaad kasta oo aan u baahan karno si aan u ansixino codsigaaga.

Wixii macluumaad dheeraad ah oo ku saabsan sida loogu codsado dheefaha iyada oo loo marayo Frances Online, fadlan ka daawo muuqaalka [How to Apply for Benefits Overview video \(Muuqaalka Dulmarka ee Sida Loo Codsado Dheefaha\)](#) barta paidleave.oregon.gov.

Akhri kuwayaga ah [Buug-hageedka Shaqaalaha](#), [Buug-hageedka Iskii U Shaqeystaha](#), ama booqo paidleave.oregon.gov si aad u hesho macluumaad dheeraad ah oo faahfaahsan oo ku saabsan codsashada dheefaha fasaxa badqabka.